



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

XXVII. Julii.

[urn:nbn:de:hbz:466:1-50916](https://nbn-resolving.org/urn:nbn:de:hbz:466:1-50916)

S. Simeon Confessor honoris *Mariani* defendendi studiosissimus, Judæorum antesignanum, bellum Virginitati Deiparæ moventem, morte subitâ stravit, quâ visâ reliqui ejus affectu manus victas dedere, & ex Ducis morte meliorem vitam auspicati, Deiparam venerari didicerunt. *Fasti.* Vitam non meretur, qui vitæ Matrem persequitur.

S. Simeon ora pro me ut mihi in ultimo prælio clementer assistere, ac mecum contra infernalem hostem arma movere Deipara dignetur, sic si consurgant adversum me castra, non timebit cor meum, hæc enim est, quæ priusquam nasceretur, in ipsa Conceptione super aspidem & basiliscum ambulavit. O Sanctissima Dei, & mea, Mater pretiosissima ego N. indignissimus filius tuus ex toto corde, omnibusque tam corporis quàm animæ viribus, centies millies, imò infinities &c. *fol. 190.*

Ad quod impetrandum: Nomine totius universi Sanctæ Annæ gratias agam, pro Filia hac orbi data, & tam sollicitè educata.

Cùm misericordia DEI sit ab æterno, amplior esse cupit in tempore, & cùm ex te, ô Virgo! capit initium, ejus quoque largitas per te sumpsit augmentum. *Rich. à S. Victore in Cant.*

Quæstio: An Sancta Anna plures proles præter Mariam genuerit?